





*Poex: 1246*




2530



1869 11. 387

























4

*Frid. Zamell*

DRUSIS GEMMIFERA.

*Sive*

Gemmarum Elbingensium.  
detectio.

ELBINGÆ Typis Bodenhaufianis  
anno M. DC. XXXV.



## Ad candidum Lectorem

**V**T colerem & meritos & quos meruisse negares;  
Hoc Patria, Lector candide, fecit amor.  
Cur non & patrias celebrent mea carmina gemmas?  
Sape decem praeſtat gemma vel una viris.



*De Adamante Elbingensi primum exhibito, dicatq;*

*Celsitudini*

*Illustrissimi Herois ac Domini, Domini*  
**AXELII OXENSTIRNII**  
*Lib. Bar. in Cymitho, Domini in Fiholm & Tydoen, Eq. Aur. S. R. M. Svedicæ Senatoris ac Cancellarii, ad Exercitum in Germaniâ Legati, partiumq; ibidem Regiarum Gu. bernatoris Generalis &c. &c.*

**I***Am non exigua Sol parte reliquerat Austror,  
Oppositamq; plagam nostro vicinior Orbi;  
Cum primum se silva sonans expertaq; succos  
Induit in folium, lateq; canora volucrum  
Colla Iovem mulcent, ac qualem carmina Vatum  
Concelebrant annum, cælo nitidissimus exit.  
Solus ego, ut nullis aut certo jungor amico,  
Egredior portâ, Solem quæ spectat Eoum.  
Finibus in patriis celsa mons vertice surgit,  
Maximus, ut perhibent, nostræ ditionis in agro;  
Hic nisi, cû Boreas cû proxima littora verrit,  
Horridus incumbit, quoq; ævi obscura vetustas  
Anguiolas Regum tradit firmasse Borussos  
Arcibus impositis, Cellasq; in signa reliquit,  
Sidereum majore jugo contingeret axem.*



Nix Phœbi radiis liquefacta cacumine summo  
 Descendens strictos mediis convallibus amnes  
 Auxerat: ætherios tellus ubi senserat ignes.  
 Gramineis se sponte thoris ornare parabat:  
 Sed discrimen adhuc primis restabat in herbis  
 Sulcorum & scamni, quod vomere cultor acuto  
 Mensibus imbriferis exacti fecerat anni.  
 Ventorum flatus præcelsis sistere fagis  
 Pars agri solita instantis sub tempora brumæ,  
 Surgentis Zephyri lenes exceperat auras.  
 Quæq; per amfractus loca sub declivia montis  
 Difficilis descensus erat, vestigia juxta  
 Ducebant hominum pingvi durantia limo.  
 Signa sequor, vallemq; peto; cum plurimus humor  
 Hærentem ancipiti demersit tramite calcem.  
 Ut rivum vidi, vitroam manantis anhelos,  
 Qualis se longo tractu provolverat, undam.  
 Protenus ad liquidum converto lumina fundum,  
 Intendog; aciem (namq; alto gurgite candens  
 Nescio quid, scrupusne foret seu gemma micabat)  
 Brachia demisi tremulis errantia limfis,  
 Donec adaucta vado prædam tenuere petitam.  
 Celme puer, dixi, quondam gratissima magni  
 Cura Iovis, nunc & Regum pretiosa voluptas.  
 Ergone Te nostris etiam venabimur oris,  
 Et patrias augebis opes, famamq; locorum,  
 Quorum munus eris? nec Te qui proxima Gangi  
 Rura colunt, Oxumq; bibunt, aut dives odori  
 Thuris Arabs magno populis obtruserit Arcti?  
 Vos Eumondorii liceat mihi dicere tantum,  
 Tale nihil vestris nascens in montibus Albis,  
 Tale Caledoniis mittit nil Scotus ab agris,

Nec



Nec par Dacus habet, Scythicumq; remotus ad Istrum;  
 Durities experta vitro limæq; ferocis  
 Arjete, tum candor qualem non limpida donent  
 Stagna, sed Ætnæis rutilans vibraverit antris  
 Scobs liquidi ferri, quod tractavere Cyclopes,  
 Mallaicis certent dubio sub iudice gemmis.  
 Sive jugi summo Dryades Te vertice vulsum  
 Subjecti torrentis aquâ mersere cadentem;  
 Capripedes seu Panes erant, seu Najades ipsæ  
 Mercedem hanc nostri voluerunt esse laboris;  
 Di nemorum faveant, quæis sæpe sub arboris umbrâ  
 Propter aquam gelidi fontis mea fistula carmen  
 Lusit, & agrestis cecinit spectacula pompæ.  
 Sic ego: namq; ingens animum tunc fugerat omen,  
 Indiciūq; rei sextâ post luce futura.  
 Venerat hæc Phœbi roseis invec̃ta quadrigis,  
 Cum Moschi domitor nostras Sigemundus ad urbes  
 Appulit, ac patrio lustravit Drusida vultu.  
 Tertia protulerat Nemeæi signa Leonis  
 Messis, & agricolis aderat labor actus in orbem.  
 Rura peto lateri cari sociatus amici.  
 Et silvas & vos tenebrosis vallibus amnes  
 Labenteis adiisse juvat: dum margine rivi  
 Statur, & æstivæ recreantur fontibus horæ;  
 Qualis inest astris, oculos lux visa per undas  
 Irradiare meos: vidit, stupuitq; coruscum  
 Lumen amica manus: Stygios quæ sidera, dixit,  
 Extinxere focos confuso fœdere verum,  
 Cocytig; lacus rupere nigramq; paludem,  
 Ac nostrum opposito cœli de cardine mundum  
 Collustrant fulgore novo? vix talia noster  
 Fatus erat; taciti placido procumbimus alveo.



Et fundi sequimur lætū jubar. Illicet alto  
 Gurgite depressæ tolluntur in æræ gemmæ.  
 Septem Adamantes erant, quos inter maximus ignes  
 Scintillat Latœ Tuos, mihi nomine Solis  
 Dictus: habet Veneris nomen, qui proximus illi.  
 Nec Iovis ætherii qui cærule templa referrent  
 Sapphiri deerant, aut quæ micat igne Pyropus  
 Gratius ex æquo Tyrios imitata colores.  
 Nec non & primæva Opalos elementa secutos.  
 Et vini laticem violæ sub flore tegenteis  
 Cernere erat lapides, tum quem sincerius aurum  
 Indigitat, Siculamq; alter qui servat Achatem.  
 Numina se nostris infundent maxima terris.  
 Exclamo, venientq; dii siue Orbe propinquo  
 Sarmatiæ, seu parte aliâ degente remotâ.  
 Ut rediis, venisse Gothos, portuq; Borussæ  
 Invectas exisse rates ad littora Varmi  
 Terrores inter prænuntia fama ferebat.  
 Iamq; dies alterq; dies mortalibus ægris  
 Rettulerat curasq; graves durumq; laborem.  
 Flumine cū nostro se condidit Arctica classis.  
 Quæ Regem heroasq; animas tulit. Ille feroci  
 Marte animos terrens portas intrabat apertas.  
 Mirabar patrias augusto in pectore dotes.  
 Et quicquid plus quàm genitor conceperat ausi  
 Fortunæ majoris opus. Te iudice nostræ  
 Illo, OXENSTIRNI, digna sunt Rege Camænæ.  
 Drusidos altricis primas sacrare parabam  
 Huic capiti gemmas: dum quæ legat ipse, revolve  
 Et mihi displiceo, jam sic commissæ placere  
 Posse reor, meritumq; auget lithoglypta nitorem;  
 Principis Ensiferi vitam profuderat arvis

Affer-



*Affertor rerum, quas non acquireret Arcto  
 Sed fundi Domino, Caesar quem presserat armis.  
 Bis Philuran illi, bis ademptos reddidit agros  
 Non dubius lethi, quod solum optarat honestam.  
 Tu mens orta polo cognataq, Regibus Orbis,  
 Alter honos Regni, nostros Adamantas habeto.  
 Tu calamum primus, Gothici quo praelia Regis  
 Condidimus vero gestorum ex indice, nostras  
 Iussisti tractare manus: Tu sive potestas  
 Hunc non inferior, cum visum, à Vate reposcet.  
 Nil ego degeneres animas aut livida vana  
 Corda moror plebis: quas Tu mihi sufficis auras,  
 Turbidus ex alto non obfuscaverit Auster.  
 Vive decus nostrum: cui Te verissima Vatum  
 Carmina transcribent, semper donaberis ævo.*

*De Sapphiro consecratâ*

*Præeminentia*

*Illustris: Domini, Domini*

**PETRI BRAHE,**

**Comitis in Visingsburg, L. B. In**  
**Fridboholm & Lindholm, Reg. M. S. Sena-**  
**toris, Judicis Provincialis Vestmanix, Monta-**  
**nor. & Dalix &c. &c.**

**P**ETRE, domus columen sincerâq, gemma BRAHEÆ,  
 Accipe jucundos imitantia dona colores,  
 Quos æther sublimis habet, cum Iupiter æquus  
 Decussis nebulis clarum patefecit Olympum:

*Qualem*



*Qualem Marmarica sterileis qui sulcat arenas  
 Sæpe videt, quique arva metit vicina Canopo.  
 Accipe Drusicolæ manibus depressa Poetæ  
 Dona sub exili patriis in vallibus undâ.  
 Sapphirus Te nostra decet, quam cœlicus almâ  
 Luce colos altisq; sacer natalibus implet.  
 Tu cœleste genus, Tu non mentita propago  
 Divini generis: quosive Æneia mater  
 Seu sator Alcida deluso inclaruit Orbi.  
 Adde quod excelsos celebras virtutibus ortus.  
 Magnanimumq; Patrem ac atavos in parte relinquit  
 Major ab his studiis, quæis profecisse laboras,  
 Atq; ultra tenuisse gradum: dumq; ardua flectis  
 Per placitum virtutis iter vestigia, pulcro  
 Conatu majora Tue præconia famæ  
 Concilias, propiorq; polo stirpiq; videris.  
 Sapphiros cole, PETRE Comes. Tibi proderit olim  
 Gemmas nosse meas. Quoties nam vera Tuarum  
 Videris aut animo tractabis symbola laudum,  
 Virtutum meritis ægram solabere curam.  
 Quam sibi dulce decus mansuri poscit honoris:  
 Unde Tibi plus lucis inest, quâ Regia Magni  
 Gustavi geminas animat præsentius Arctos.*

*De Pyropo vindicatâ*

*Excellentiæ*

*Illustris Domini, Dom.*

**HERMANNI VRANGEL**

Hæreditarii in Ahlo & Scogclöster, Eq. Aur. R. M.  
 S. Senatoris, Mareſchalli Campi, & Gen. per Bo-  
 russiam Gubernatoris &c. &c.

*Olbins*



**O**lbias (id nomen mecum expatiantis amici,  
 Cum mihi sub tenui gemmarum copia dives  
 Explorata vado est) similes capiuntur in undis,  
 Inquit, & è durâ caduntur caute Pyropi:  
 Si qua fides illis, qui per iuga summa vagati  
 Lustrâq; terrificis monstrorum horrentia formis  
 Et gemmam & rutili granum legere metalli.  
 Persuasitq; simul, nec cælo dêesse Borusso,  
 Quicquid habent alio terræ sub Sole calentes.  
 Tertia post æstas spem maturaverat anni,  
 Curiâq; agrestes renovabat clausa labores  
 Institutumq; fori: mecum petit Olbius agros,  
 Ac veteres curas sub amœni sideris æstu  
 Induit: ad superam per cornua tendimus amnem,  
 Quâ tenui de fonte levat caput. Ille per ingens  
 Præcipitans saxum quæculis admurmurat undis.  
 Rupe sub exesâ qui ripam effuderat humor  
 Plurimus angustum lambendo effecerat antrum.  
 Et tophum & fragileis molli stridore chelydros  
 Vnda pererrabat. Vidi sub lumine raro,  
 Quale per implexas infundunt sidera frondes  
 Obscuram in vallem, læti congesta Pyropi  
 Fragmina, perpetuis scatebris quæ subruta rupes  
 Straverat in pigrâ disjectis partibus algâ.  
 Dum fulgens attollo decus, dumq; omnia rimor  
 Et saxum impendens tueor: mihi visus adesse  
 Inachidos pastor: Tot lumina fronte gerebat.  
 Tam formidatos Argo Saturnia vultus  
 Indiderat: non hunc conceperat ille ruborem,  
 Fraudibus institerit, dixi, Cyllenius ales;  
 Non ego torpentes oculos aut arte sepultos  
 Aggrediar: Tu vi multoq; domandus es ictu.



Postera lux aderat, nitidosq; vetexerat ortus:  
 Incumbo, ferrumq; rigens in viscera saxi  
 Impello, gemmasq; levo, quas Martia flammis  
 Stella suis implet. Gothici cape gloria Martis  
 VRANGELI mea dona manu, quæ cuncta serenas  
 Arbitriis subjecta Tuis, & dona ferentem.  
 Exosum vulgi mores ac vota Pœtam.

De Opalo oblato

Splendori

Illustris Domini, Dom.

ACHATII AXELII.

Hæreditarii in Göxholm & Rinckestad

R. Svet. Senatoris, supremi Dicafterii Stocholmi

Adfessoris, & Judicis Provincialis

Nericiz.

**A**XELIDE, Patribus generis quem culmen arvitum  
 Cognitaq; assiduo virtus interserit usu;  
 Orbis honor Gothici, cui nostra Borussia pacis  
 Tertia seu belli debebit vota gerendi.  
 Si quid habent Opali, quod Tu laudaveris, aut qua est  
 Intercursantum species Te digna colorum;  
 Accipe bis geminâ variatos luce lapillos.  
 Ignis opes coeli, quod lucidus obtinet ær  
 Dat candor Tibi purus, habent freta cœrula queis Te  
 Muneribus mactent, quod donet terra divescens;  
 Indicioq; sui certant prædesse nitoris.  
 DI Tibi quid tribuant, quæ sint ea præmia divum.  
 Queis solidum virtutis opus, patriasq; coronent

In



*In non degeneri natorum pectore dotes,  
Dulcia cum positis tractaveris otia curis.  
Distinctæ nosces hæc per confinia lucis.  
Ecce Tibi supplex procumbit Patria Vatis,  
Vt belli causis inter Tua vota sepultis  
Pulcrum animum rebus serves in pace secundis.*

**De Amethysto adsertâ**

*Dignitati*

*Illustris Domini, Dom.*

**IOHANNIS OXENSTIRNII**

**Lib. Bar. in Cymitho, Domini in Fi-  
holm & Tydoen, Consilarii S. R. M.  
secretioris.**

**I**ANE, Patris Patriæq; decus, jam ferre labores  
Docte, quibus genitor robustum præstat Atlantem;  
Siquid nota Tibi dictârit Musa Zamell,  
Da faciles aures: nec Te sine munere noster  
Versus adit; paullumq; animum, quo tanta valutas  
Quamta Pater gessit, curarum subtrabe moli.  
Mitto Tibi lapides dignos hoc flore juventa,  
Quo placitis animum cælo virtutibus æquas.  
Aspersit Venus alma rosas, & ianthinus illis  
Ardor inest: mentem præsentibus erige signis.  
Marcescunt violæ, non perdit gemma colorem:  
Tu constans & par Amethysto pectus habebis.  
Nec minuent anni, quod mente locaveris altâ  
Quæsitum virtute Bonum. Vix robora mentis  
Mirati in puero populi Boreetidos ora



*Viderunt patrios exempla imitantia motus.  
Hoc insiste gradu, quo Te iuvat ille trahitq;  
Natura stimulis, jamq; ad maiora remittit.  
Hunc caelo assertum divum pater atq; hominum rex  
Si quando eripiet terris & sorte caduca,  
In Te despondet Gothici sibi Curia Regni.*

**De Chrysolitho debita**

**Honori**

*Generosi & Magnifici Domini*

**NICODEMI AB AHAUSEN,**

**Commissarii per Borussiam Ordinarii.**

**A** Mule Chrysolithis, purum quibus emicat aurum,  
NICODAMA, si Te nostra juvare Camæna,  
Castalii quoties maduerunt fontis ab unda,  
Accipe Chrysolithos nostri memorabile fundi  
Munus, & ex illo meritorum disce Tuorum  
Cuncta meis fibris altè momenta recondi;  
Quoq; loco tuear, jam nunc adverte recenti  
Verius indicio. Non est satis esse benignum  
Aut facilem, si non præstentur pectora factis.  
Non ita sincerum redit è fornacibus aurum,  
Non ita Chrysolithos cognata metalla venustant.  
Ut mihi propitium Te non suspecta voluntas  
Fecit, & integri patuerunt signa favoris.  
Illa fides pretiumq; sui veriq; decoris.  
Auspicium Gothica Patribus Te miscuit Arcti,  
Majoresq; Tuo capiti decernet honores.  
Interea terris Tua per suffragia nostris

*Ar.*



*Aurea pax redeat, nostris pax consona donis.  
 Hac nil sollicito melius dare Numina mundo  
 Nil Regum potuit Superis aequata potestas.  
 Arbitrio Regum Gothica manus ardua gentis  
 Sarmaticæq; coit, pacis q'vi munia condant,  
 Et referant populis utrumq; colentibus Orbem.  
 Qualia desertâ spe tantum optare licebat.  
 Tu pars magna virum, qui fœdera pacis inibunt,  
 Redde Tibi caro Vati, gentiq; precantis,  
 Quam dare Primorum potes inter vota, quietem.  
 Marcida, si decaris, non exiget otia Vates.*

### De Achate tributâ

#### *Virtuti*

*Nobilissimi & Magnifici Domini*

**IOACHIMI TRANSEHE,**  
 S.R.M. Sved. Consiliarii Aulici, & Resi-  
 dentis in Aulâ Brandenburgicâ.

**T***V quoq; nec visum complexus amore Poetam,  
 Et decus & columen Livonum TRANSÆE potentum,  
 Ut meritis cumulare Tuis, consorsq; decoris  
 Ipse Tuâ causâ proferre encomia possis  
 Nostra, nec assertas non rite juvare Camœnas,  
 Muneribus nostris non indonatus abibis.  
 Te rerum Dominis virtus hæc sola probavit,  
 Hocq; loco posuit, quo summa negotia tractas.  
 Si certem officiis, hæc Te mihi præstet Achatem.  
 Accipe Sicanias referentia nomina gemmas.*

**Ad Lectorem.**



**S**unt & quæ nostris venient Tibi, Lector, ab oris:  
Qui mihi Te solâ dexteritate probas.  
Iaspomyces superant, expers & Sarda colorum.  
Quæq; hodie nostræ nomina Carnis habet.  
Sunt volucrum lingvæ, sunt colla rigentia saxo:  
Marmoris est instar quod fuit antè pyrum,  
Et silicem & fatuas soli Tibi dedico conchas.  
In me quem rabies ac furor armat iners.  
Ite male lingvæ. Qui nobis antra reclusit,  
Plus dedit Aonium quàm cecinisse melos.

### Ad Phœbum inter silvas.

**S**idereï dux Phœbe chori, Latonia proles,  
Cujus ab infuso lumine cuncta vigent:  
Gramina qui campis & stirpes collibus altis  
Induis, ac succo sufficiente foves:  
Qui Medicas herbas hominum producis in usus,  
Carminaq; impulsæ subijcis apta lyre:  
Si duce Te summas Heliconis adivimus arces,  
Si mihi quid Vatem profuit esse Tuum;  
Nostra per obscuras vestigia dirige silvas:  
Nubila cum ventis disjice, redde diem.  
Pande vias nemorum, nemorum mihi pande latebras:  
Præbeat & tutum concava vallis iter.  
Hactenus ignotas populis habitantibus Arcton  
Per querulos ammes per juga vener opes.  
Ut ferar in saltus, incultaq; resqua pererrem;  
Gemma Tuâ nuper luce relecta facit.  
Hac sitis undarum: liquidum mihi postulo cælum,  
Si qua mihi rutillet Numine præda Tuo.  
Discimus & sanas agris potantibus herbas,  
Et quibus acceleret Thessala saga necem.



Germina dat Boreas non explorata colonos.  
Silvaq; quod tractet Pharmacopœus, habet.  
Sæpe per arbuscum per prata virentia pastor  
Ad nocui gramen cespitis egit oves.  
Sæpe fruteta nocent & stagna infecta venenis;  
Sæpe fuit fœsis arboris umbra gravis.  
Quid mihi se toties Vulcania gleba propinat?  
Me venæ subiit splendidioris amor.  
Multa dies profert. Neq; enim mea secula solum  
Pactolum celebrant Hesperiumq; Tagum.  
Viscera terrarum Geticis adeuntur in arvis:  
Penèq; sunt omni strata metalla loco.  
Quàm malè vicinum Latius damnaverit Orbem  
E puteis loquitur Teutonis ora suis.  
Quid mihi non spondent undæ salientis arenæ.  
Et quæ signa catus plurima fossor habet?  
Tu quicquid dederis rarum ac memorabile Vatis,  
Tollet ad astrigerum versibus ille polum.  
Ecce patent valles, & lucidus annuit æther.  
Ad vada muscosi proxima fontis eo.

### In Obrectatorem.

**D**ono meas gemmas patriæ Reçtoribus ora;  
Quod serves aliis, & mea terra dabit.  
Dic mihi, qui gemini fortunam respicis Orbis,  
Et colis ambigua sceptrâ Boréa fide;  
Quâ facie Sveonum Tua dona probaveris hosti,  
Si redigat nostros sub sua jura focos;  
Sive per ætherios huic Te devinxeris ignes,  
Seu jures illud, quod metuere dii?  
Odit & hic animos contraria castra sequentes.  
Ritè favet neutri, qui duo Regna colis.

Hunc

*Hunc sanctè observa, dederint quem Numina, Regem?  
In Te qui fasces imperiumq; gerit.*

*Ad Illustr. Dominum, Dom.*

## ACHATIUM AXELII.

*Hæreditarium in Göxholm & Rinckestad,*

*Reg. Svet. Senat &c.*

**A**XELIDE, Patriæ natas in commoda mentes  
Inter ab excelsæ sanguine missæ domus,  
Si minor est aliquâ virtutum parte Tuarum,  
Reddita laus meritis per mea texta Tuis;  
Non erit in crimen conantis summa Poëtæ.  
Spes & præsidium majus in arte meâ est.  
Deliteo tacitâ Vates ignobilis umbrâ;  
Nec venit ad nostras copia digna manus.  
Murmura me Gothicos docuerunt parva triumphos;  
Rumor erat tenuis, quo mihi facta fides,  
Sæpè latent animi tetrâ caligine pressi,  
Cum res scripturos deserit apta coli.  
Subtrahæ materiem, steriles imitabor arenas,  
Aridaq; inculti portio ruris ero.  
Subjice quas tractem res; & sua verba sequentur.  
Tramite decurram cur brevior, liquet.  
Nunc postquam mihi Te præsentior ingerit usus,  
Obtutusq; datur liberiore frui:  
Argumenta Tui quæcumq; ministrat honoris  
Materies famæ quam fovet aura Tuæ.  
Ut mihi nascatur series certissima rerum,  
Singula subsiduis colligo puncta notis.  
Adde, quod immensi reputando signa favoris  
Gaudeo, si dicar debitor esse Tuus.

*Audivere*



Audivére viri, quos Martis adorea tollit,  
Arctoe coram pars bona gentis erat;  
Cum mea digna piis dixisses carmina bellis,  
Qualia Teutonico gessit in Orbe Gothus.  
Cum studia equares multorum nostra labori,  
Eximiumq; tuli Te tribuente decus.  
Vos stolidæ pereatis opes: majora requiro.  
Præmia, nec vulgi turpia luera sequor.  
Stelliferi videor culmen mihi tangere cæli:  
Despicio terras, cordaq; fixa solo.  
Magna deum pars est, hac qui me sorte locavit.  
Sæpe canent illum carmina nostra deum.  
Sed pudet. & justi causa est damnosa pudoris.  
Ah pudet ad mores ista referre meos!  
In mensâ in cœtu nimio persusus Iaccho  
Non Tibi reddebam qualia verba decene.  
Nec mens aut ratio lingvæ moderamen habebat;  
Iamq; vago stabam jam titubante pede.  
Da veniam poto. Fuit ardua causa bibendi:  
Estq; nefas habitum, deposuisse cados.  
Ut bene Regina, Regni bene Patribus esset,  
Fudimus ad fustum vota secunda merum.  
Si malè quid feci, pœnam mihi deprecor ex hoc,  
Gentis amore Tuæquod bene potus eram.  
Urgebat plenos hospes lautissimus haustus.  
Ebibe (sic dixit) si Gotha cordo probas.  
Ebibe. Non fugiunt docti mera lata Poetæ.  
Carmina qui condunt mollia vina bibunt.  
Quid facerem? tanti monitis impulsus amici  
Larga supinato gutture vina bibi.  
Ut mea victrici volvantur scripta sub Arcto,  
Major ut invidiâ jam ferar, ille dedit.

*Ille Tuum, AXELIDE, mihi conciliavit amorem:*

*Quæ vix sperari fas erat, ille dedit.*

*O columen populi pressorum jura tuentis,*

*Affere vindiciis & mea texta Tuis.*

*Optime Mæcenas, si qua his mihi gloria parta est*

*(Nota satis res est) non caret hoste suo.*

*Me dubios inter servet Tua dextera casus:*

*Et mihi dulce pia sit meminisse manus.*

*Quicquid inest nostro divini pectore motus,*

*Hoc Tibi jure Tuo trado Poeta Tuus.*

*DI Tibi Cumæ præstent ut tempora Vatis,*

*Et per Te vigeant sceptrâ Boræa, precor.*

Ad Generosum & Magnificum Dominum  
**IOHANNEM NICODEMUM**  
**AB AHAUSEN,**  
Commissarium General.

**D***I Tibi sint faciles, ac dum Tua vota secundant,*  
*Quod petis, hoc tribuant uberiore manu.*

*Hoc magis annuerint, quod plus mea commoda curas,*

*Quam mecum hoc ipso pectora nata solo.*

*Quam genus & sanguis, missæq; in fœdera mentes,*

*Quosq; æquos causæ fas erat esse meæ.*

*Non frigent in me placidi præcordia civis;*

*Non, qui Castalii Numina fontis amant.*

*De numero ingenti parvam tamen excipe turbam:*

*Ingenii nostri plurimus osor erit.*

*Scis Tu, qui solidum præstas mihi semper Oresten,*

*Quam studium lacerent ora profana meum.*

*Quam flagret obsequiis, accensa calumnia nostris,*

*Cum canerem has animas quæ meruere coli.*

**NICO.**



NICODAMA, si quid liuar tamen improbus hausit,  
Iudicii retuli dexteritate Tui.

Sæpe mihi caris dixi: nescitis amici,

Quam iurvet invidia sustinuisse faces.

Sustinui. Totam nunc est ea fama per urbem,

Qualem inter gemitus nec mala lingua premis:

NICODAMAS toto Musas ex asse Zamelli

Adserit: hunc unum tollit ad astra virum.

AXELIDEN illi modo conciliavit ACHATEN:

Nunc etiam Vari maxima Regna favent.

O dulcem ingenii tanto sub iudice fructum,

Cum decus emeritum promovet ipse furor!

Quid reddam? studiis certant Tua præmia nostris,

Quotidieq; mei vincor amore Tuo.

Quis placui primùm, Mæcenas, accipe dotes.

His rerum Domine Principibusq; prober.

DI superi, à vobis si quid me pscere verum;

Hoc dabit is salvo NICODAMANTE meo.

## Ad Eundem

**D**A mihi Nicodama, Patriæ inclarescere luxu,  
Et populo gemmas vendere posse meas.

Victitat exiguis Vatum bona portio micis,

Ac scrupi tolerat se rudioris agro.

Non omnia magno fidum Corybanta Tonanti,

Aut Celmo dignas terra profundit opes,

Si mihi partus honor sæpe & non magna colenti,

Gemmarum à cultu gloriæ major erit.

Tu fama pars esse mea diceris & autor,

Resq; auctum calamo Drusidos ipse meo.

## GEMMARUM MANGO.

**A**stus diei erat, qualem flagrantissimum exorte  
 Caniculę sidus excitaverat. Meridianib. Hir-  
 cii operis, ad qvem in amoenissimā villam iustitio  
 indicto secesseram, propter vestibuli ostium conse-  
 dimus. Ante fores ab exiguo clivo Regia se via  
 non procūl aperiebat. Illam præter venalitos pau-  
 ci tunc insisteabant, qui ad proximam urbem com-  
 meant. Præterierat Neptunaliorum dies, & labor  
 svadente cœlo fervebat omnium, qui rem rurestrem  
 faciunt. Fortē accidit, ut cū in subiectum ædi-  
 bus agrum oculos mecum conjiceret Hircius;  
 iugo descenderet, qvem alienigenam esse &  
 nigricans faciei color, & habitus licet obsoleti  
 argueret insolentia. Qui ubi propiūs accessisset  
 ac familiariūs inspexisse pro nutu esset, ad inum-  
 brantis tecti projecta succedens invitantibus nobis  
 ipsum intrò subiit. Prior veniam Germanico sed  
 prorsus corrupto idiomate precatus ac corporis las-  
 situdinē excusans, positrā sellā juxtā assedit. Rogan-  
 te Hircio, ut solet primū apud ignotos, quę susce-  
 pti itineris caussa esset, quōve vellet, ille à gente Pa-  
 triāq; sermone inchoato, Siculæ originis Genuen-  
 sem esse se, mangoniumq; gemmarum professus est.

Si-



Simul cum dicto thecam nitidissimis gemmis refer-  
tam oculis eximens in apertum protulit. Adaman-  
tes, Sapphiri, Smaragdi, Opali, Amethysti, Chryso-  
dithi, Berylli, plures permistiq; inerant, auro omnes  
inclusi. Eorum collucentium fulgor adeo obtruen-  
tium oculos præstringebar, ut præcipitem Pha-  
ethontis currum excepisse videretur angusta capsu-  
la. Cum Adamantas, ut qui eorum inter reliquas  
gemmas ducunt, attentius aspexissem; atq; essent,  
qui visum candore suo non sisterent, sed aciem trans-  
mitterent; subridens ego, & si Latine sciret percon-  
tatus, ad affirmantē, quid inter præstantissima Ori-  
entis dona hilapilli, inquam, quos vel amnes nostri  
in ripâ deserunt? Ad hæc hospes: Satis comperi  
nullos mortalium esse, qui æquē sui coeli bona fasti-  
diant, atq; Vos qvī Aquilonem colitis. Non hoc  
faciunt ii, quos Alpes aut maria longinqua à vobis  
separant. Opes suas amant, nec vestras tamen re-  
spuunt. Succina gutta præ vilitate apud Vos vix præ-  
tium sui invenit, quam magno emit Italia. Du-  
rior est Adamas, quem India mittit, molliora populī  
pectora. Fragilior vestræ terræ gemma, firmiori  
estis corpore. Nec, si Eoæ plagæ incola imbecillior  
est, quàm Vos estis; execratur hunc, sed alit fovetq;  
solum, quo genitus est. Quamto æquius erat, ve-  
stris rebus colendis Vos eum præstare affectū, quem  
bruta

bruta tellus naturæ sponte exprimit. Magna est  
summi Numinis in Vos clementia : quam aut igno-  
ratis aut verius contemnitis. Si non tam peregrini  
quàm vestri cœli dotes amore sui Vos accenderent;  
exigua gemma tamti beneficii gratam memoriam  
gestantibus quotidie surggeret. Impunè id Vo-  
bis esse poterat, si qui Lyncei heic estis, in animos  
Politicoꝝ vestroꝝ respiceretis altius. Multi  
eorum cinno ad satis prostitutam vanitatem com-  
posito, tum vestitu à communi discrepante, nec  
non molli ac gynæcéis multum laudato corporis  
gestu, nonnullâq; exoticæ linguæ peritiâ subnixi  
Remp. plerisq; in urbib. involant. Quibus si  
hæc frivola ademeris; quid restabit præsidii, quo  
tutò confisi instar terreni Orbis libratum pen-  
densq; Reip. corpus sustinere audeant? Ne fa-  
mam benemerentium nefariè sugillem; novi viros  
insigni autoritate præditos, qui quòd in Princi-  
pum aulis sæpe versantur, in Aulicoꝝ mores aut  
cultum saltem transeunt; ejus, quam gerunt, fun-  
ctionis gratiâ. Stuporem mihi injecit quorum-  
dam ex primoribus languor : qui, cum non rarò  
in naufragâ civitate sedeant; nec id curant, ut  
nati ex ipsis ad eam rationem instituantur, quæ re-  
bus suæ urbis accommoda est. Ut taceam, nec uti-  
les aut legitimas peregrinationes suscipi à non pau-  
cis



cis, qui externas oras adeunt; & negligi ista doctorū monumenta, quę non tam civibus Atticę, quàm universo Orbi relicta sunt. Sed quorsum ista mango, dixeritis; quorsum advena? si nec optimi civis hortatu retexat se hæc ætas immersa malis suis: sanè inquam, si circumstantibus etiam majoribus calamitosa non movet se, aut torporem excutit. De me: quàmvis hoc loco gentis meę cunabula non sint; omnis tamen me nutrit terra, omnis mihi patria est. Cùm hæc & plura eam in mentē disserendo, ac bonum Civem, id est, Politicum ex Aristolis Platonisq; sententiã delineando quamdam, quasi benè constitutę Reip. formam adumbrasset, delectatus arguti hominis facundã oratione Hircius, etiam elegantiores Musas consecutus es? ait. Tùm ille: à juventute meã Latinis Gręcisq; literis imbutus ætatem iniis trivi maximam. Nullã spe aut me aut meos sustentandi inde emergente, gemmarum mangonium, exercere occepi, questu nec indecoro nec improbo. Vt hoc vivendi institutum amplecterer, eqvorum mango frater impulit. Is cùm bona, quę illi ex paternã hereditate obvenerāt, inter Musas Phœbumq; abliguriisset, aut ut planius dicam, magnis sumtibus nec exiguos in arte Medicã profectus fecisset; neq; haberet unde honestius hanc vitam degeret,

geret, eò adactus est: cuius tamē rei cum numquam poenituit. Admiratus porrò solertis ingenii constantiam inter dubiæ sortis ludibria Hircius, quales majorum fuissent opes interrogat: lautissimæ erant, respondet hospes. Nec Siciliam inopiâ aut exilio avus, qui primus inde Larem in Liguriam migraverat, mutavit; sed allectus ab Adurniis, quibus cum aliqua erat cognatio, major necessitas. Siti non modicâ torqueri videbatur, cū Hircius, si cœlo nostro assvevisti, inquit, nec potum abhorebis, quodurus Septemtrio sitis ardorem habitatoribus suis propellit, multū etiā tamquam meracissimā uvā eisdem exhilarat. Hæc inter guttum aquiminario eximens sincerum ac defecatum laticem fundit, non abnuente hospite: quem cū bis terq; non sine manifesto voluptatis sensu degustasset; de beo Tibi vir humanissime, ait: atq; urinam hoc nomen, quod feci apud Te, olim dignè exolvam: simulq; parat ab-  
itum. Dum obnixè instat Hircius, noctem ut maneat, jucundo amoris contubernio inter nulla sua dispendia nobis profuturus; ægre impetrat. Licet hoc totum vix Hircii preces obtinuisse viderentur, nisi irritò pluviarum metu nubecula polum abscondidisset, quem subito spectantium oculis redderet. Exuerat amiculum Ligur non tam ab gentis indole quàm suo pte ingenio & industriâ nobis commen-  
datif-



datissimus; cùm thecās mangonī sui exerens, easdem Hircio custodiendas tradit. Credo me Vobis & omnia mea, viri honesti, inquit: quos tales esse & animus vester loquitur, & amor in literas. Cui Hircius: Si ea integritas etiam scelerī à virtute præstanda est; qualem fas sit Tibi me exhibeam, qui Xenium Iovem ad me venienti præsto? Deinde si Tu cum autore hujus dicti & mentis *Mundanus* es, intra familiam & gentem Tuam eris. Cæterum quia cum Sole dies inclinaverat; Hircius cœnā jam coctā in diætā nos abducit, comiterq; discumbere iussos & lautè & hilariusculè accipit. Postquam enim in eosdem fortè sermones recidisset, majoresq; suos quorundam factione unā cum stirpis fortunā oppressos non obscure innueret hospes paullum ingemiscens; ille non prolixè consolatus animum, qui tales casus ferre didicisset, merum vinum Græcoritu propinabat; tum qui tibiam inflaret, adhibebat sui rusculi Tityrum. Præter melimela satis matura pomis de auctumno in vetustatem repositis, frigidissimāq; septorum cryptā aservatis, mensas secundas exornaverat. Cùmq; esset ante mangonem aliis loculosius unum, posthabitoq; illo simplicius inquireret Hircius, quod hospiti apponeret, modestè arridens mango: nā si de formā inter tres deas iudicium mihi pro Paride ferendum

D


fuisse

fuiſſet, relicto etiam de pomis arbitrio; hoc potius,  
quod Tu virorum præſtantiffime reliquis poſtponis,  
pulcerrimæ donaverim. Hercle nec meo calcu-  
lo aliud in Venerem conveniſſet, reſpondet Hir-  
cius; Tibi tamen, non valente in Te ſcommate, non  
offeram. Occaſione à pomis datâ, quærebat Hir-  
cius, ſi pares in Liguriâ hortorum fructus haberent?  
Sunt, ait, & quidem felicioſe ſatu ac proventu.  
Eodem enim anno & ſeruntur arbores & adoleſcunt,  
uberrimoq; ſcœnore cultoris induſtriam penſant. In-  
ſtante Hircio, numquid hortum in patriâ conſeviſ-  
ſet? negat ille, quia non habuiſſet. Id agebat ho-  
ſpes, ut extemporaneo joco convivii accenſam  
lætitiâ inter ſubmiſſos riſus traheret. Vultu de-  
inde ad majorem ſeveritatem contracto; Equidem  
felices, inquit, vel hoc ſtripe Vos prædico, cujus in  
genere tanta varietas, ut Italici ſoli ambitum etiam  
deſpiciat præſtantior Germaniæ oręq; viciniæ abun-  
dantia. Borroſtrophorum, Crocinorum, Parelio-  
rum nomina (nam quid cætera?) tum didici, cùm  
iis in locis geminas æſtates agerem, quibus Roma  
transmiſſo Rheno docuit, etiam ſe adiri poſſe Nec  
eſt, quòd ad menſas ſolùm reſpiciam, quæ à tali miſ-  
ſu ſecundæ ſunt: etiam ſi in torpore dediti nec cœ-  
lum proximæ gentis nec fortunam veſtram putetis,  
ab eâdem ſunt & terræ & armentorum fructus, qui-  
bus





bus Borussiae fora quotidie compleretur, fictilibus insuper optimi artificii inde propinatis, in quibus gratissimam dispensetis copiam. Iam si litora, lacus, flumina rivulosq; tuear; illud locuples vitae praesidium est, quod videntes peregrinae nationes exuta invidia quaesitisq; necessitatibus matrimonijsq; in communionem abeunt. Appetente nocte ac mangone in cubiculum, ubi quiesceret, praemisso conversus ad me solum Hircius; dum repeto, ait, quare hodie Dioxippus (id mangoni nomen) eruditè dixit, subit me recordatio promissi Tui, quando exolves? Quod? inquam. Fugitne Te, reddit, quare in proximis Tuis literis ad me de *Repub. Barbarâ* perscripseris? ex iis illam mihi assero; si adornas modò, ut reor. Ego verò: faxis, dls Patriae ita volentibus, ut ne frustra asseruisse videaris. Finitis his, cum placidam quietem alter alteri comprecati essemus, ad lectulos utrimq; discessum est. Jam clarum Solis jubar montium juga illustraverat, flantibusq; Etesijs gratissimæ diluculò viatoribus auræ aspiraverant. Surgit mango, atq; receptis reculis suis itineri se accingit; Hircio, qui præter doctrinam etiam mores hominis amare coeperat, frustra renitente. Postquam nec me, ut diutius permanerem, invitum cogere posset; longius deductum post mutuos amplexus humaniter dimisit. Ad passus sex aut septem.

ptem iter relegerat, cū revocatos me & mango-  
nem ita alloquitur: Cū iste Sirii ardor remise-  
rit, & adorea mēsis nostræ collecta erit, revives ad  
me, Zameli, sub vindemiæ dies? Tu verò, Dioxip-  
pe, quoties hāc ibis, subibis? Etiam, diximus.  
Deniq; ad me idem: qvāprimū aliquid de  
communibus amicis è Belgio Trinobatibusq; erit,  
literis me Tuis certiozem ut facias, admoneo.  
Si quid pervenerit, ajo, nosces opidò. Nam &  
tabellariorum transeuntium pręstò est manus, nec  
nostrorum deest hominum opera, qvotidie ad  
Vos commeantium. Curriculum ad proximum  
opidum pręmiseram: pedestri itaq; itinere cum  
mangone svavissimo comite viam ingressus, ei-  
dem appropinquo. Vbi cū ille substitisset, ec-  
qua contubernii nostri apud Te extabit memoria?  
inquit. Extabit, dico, vel acerrima: ac quoties  
in Borussos deflectes; ad me eādē fide, quā ad  
Hircium, ut promittas, amicē rogo. Cū pro-  
misisset, ac secus compitum divertisset Gallum  
quemdam pręstolatus, quī cum Ottocaropolin ad  
mercatum proficisceretur, ego conscensā rhedā per  
apertos agros inter lātissima agricolationis munia  
invectus, sub imminens crepusculum expe-  
ctantj familiæ me reddidi.






























Biblioteka Jagiellońska

stdr0019523



